



Vum de Officio sive Beneficii Spiritus S. dicturi  
sint bini nostri discipuli, deq; ipso quoq; Spiritu  
S. ejus nempe essentiâ & personâ sæpius \* hactenus  
à me dictum fuerit, non abs re fore puto,  
si impræsentiarum ipsam vocem Spiritus pro-  
lixius aliquanto ( quantum quidem hîc permiserit quaternio )  
excussero & explanavero, idq; juxta ductum orthodoxi cujus-  
dam ( cum hujusmodi enim, ob causas *von* *ἄλλοις* conjecturandas,  
libenter loqui soleo ) Theologi, qui in hoc sæculo plurimis do-  
ctissimis Viris, inter etiam illos, qui in religionis negotio à no-  
bis absentiunt, inclaruit & celeberrimus habitus fuit. Neque  
tamen omnia hujus vocis significata afferre est animus, sed ea  
duntaxat, quæ sensui Theologico seu sacro velificantur, quod & i-  
psum in principio monitum omninò oportuit.

Sumitur ergò & accipitur Spiritus pro Spiritus S. effectis  
atq; operibus. Atq; sic salutis nostræ organum, coeleste puta,  
Evangelij Christi verbum, dicitur Spiritus per Metonymiam,  
quam ita nominant Rhetores, personæ efficientis pro re effectâ,  
Est enim Spiritus Dei autor Evangelij, & per illud peculiariter  
efficax est ad salutem. Idque nobis sequens Apostoli dictum  
confirmat de se suisq; synergis scribentis II. Cor. III, 6: Deus nos  
idoneos fecit ( *ἰκανώσατο* ) ministros novi Testamenti, ministros, in-  
quam, non literæ, sed Spiritus: nam litera occidit, Spiritus autem  
vivificat. Heic sanè *ἔξω πάσης ἀμφοτέρωθεν* certum est atq; a-  
pertum, ipso quoq; textu indicante, per literam intelligi legem  
divinam: quamvis enim hæc viam salutis ac vitæ ostendat & in-  
culcet, tamen sine Spiritu S. corda nostra lapidea conterente,  
hominem, qualis ex se est, relinquit, atq; sic peccatum non tan-  
tum

\* Programm, IV. ann. 1643: XIII, 1645: LI, 1653: LXXII, 1656:  
XXC, 1657: XCIII, 1658: CV, 1659: CXIIX, 1660: CXXXIIX, 1661:  
CLIIX, 1662: CLXIX, 1663: CCXI, 1666: CCXXXIIX, 1668:  
CCCVI, 1673,